



Raan eo Ejejjet Kütien: Tijemba 3, 2020

Melele in Kajinet an Kilaaj – Imōn Wia ko

Maroñ eo: Wōtar jen Ra in Lolorjak Nōmba 20-66, ORS 433.441, ORS 433.443, ORS 431A.010

Jerbal ñan: Melele in kajinet in ej jermal ñan aoleb imōn wia ko ibelakin state eo, ekoba bōtab ejab bōjrak wōt kin imōn wia mōñā, imōn wia jidik ko, jikin ko rej wia kake leen wōjke im atake, jikin wia ko iloan em im inabōj, atake ko an u-cut, imōn wia wain ko, library ko im imōn wia uno ko.

Kabin: Ñan joñan an melele in kajinet in aikuj loor kin jejjetin kakien ko, enaj mennin kabin einwōt kōjejjet ilo Wōtar jen Ra in Lolorjake Nōmba 20-66, ioon 10.

Kōmelele ko:

- Melelein “Edjoñ Arkool” ejab lablok jen 1/2 ounce in dān kajur, 1 ½ ounce in wine/cider, ak 3 ounce in dān in idaak malt ko.
- Melelein “jikin wia jen riatake ro” ej juon ien kakobaba in kumi ko an riatake ro ak ro rej binej jenkwaer im wūn eo aer kein kajuon ej wia kake mōñā ak mweiuk jen atake ko rej eddek ak kōmadmōdi kaju ñan armij ro rej wia, ekoba bōtab ejab jemlok wōt kin leen wōjke, mōñā ko rar iiōk, kanniek, leb, wut ko, honey, im men ko rej kōmman jen milik, im ej walok elōñ ien ko.
- Melelein “jikin wia ko iloan em im inabōj” ej jikin ko iloan em ak inabōj armij rej etal ñane im wūn eo kein kajuon aer ej wiakake mōñā ko jen atake, mōñā, mweiuk, im jermal in jibañ ko, ekkā jen booth ak tebōl ko, im ro rej wiakake mweiuk kein rej kōllā wōnnen aer maroñ bōk kwōnaer. Jikin wia ko iloan em im inabōj remaroñ koba bōtab ejab bōjrak wōt kin jikin ko rej wia kin mōñā in atake im mweiuk ko redik wōnneir, jermal in bā, jikin ko iturin ial im jikin wia ko jet rejab koba kein uwe ko ak kein kaalwōjwōj im armij rej bōk kwōnaer. Jikin wia ko iloan em im inabōj rejab koba shopping center ko ak mall ko.
- Melelein “mōñā im idaak ilo jikin eo” ej juon ak lōñlok jen juon riwiakake ej bōk kwōnaan ilo jikin wia iloan em/inabōj rej lelok mōñā im dān ñan mōñā im idaak iloan jikin wia eo kin joñan ko relablok jen juon jambōl ak joñan edjoñ arkool.
- Melelein “rikōmadmōd” ej juon armij ewōr an eddoin lale im kōmadmōd juon jikin wiakake iloan em ak inabōj.
- Melelein “jambōl” ej jilu ounce ak diklok joñan mōñā ak dān ejellok arkool.
- Melelein “ro rej wiakake” ej juon bijnej ej wiakake mōñā, dānnin idaak (ekoba dānnin idaak kin arkool), mweiuk ak jermal in jibañ ilo juon jikin wiakake iloan em ak inabōj im emaroñ kar ak kar jab kōllā wōnnen an bōk kwōnaan.

Imōn wia retail rej aikuj in:

- Etale im kōjejet kūtien [Melele in Kajinet an Aoleben State eo kin Kein Kalbubu Iturin Māj an Jikin Taktō, Kein Kalbubu im Kein Bōbrae Iturin Māj](#).
- Lolorjak an aoleb armij loor [Melele in Kajinet eo Ibelakin State eo ikijen Ekōnak kein Kalbubu Iturin Māj an Jikin Taktō, Kein Kalbubu, Kein Bōbrae Būlajtik Iturin Māj](#).
- Etale im kōjejet kūtien [Melele in Kajinet ñan Jikin Jerbal im Doulul ko](#).
- Kōmman joñan wōran armij ro elabtata ilo jikin eo ekkar ñan [joñan uwōta eo emōj kalikar](#) an county eo im imōn wia eo ej bed ie.
- Loor [Melele in Kajinet eo ñan An Armij Make Bōk Aikuj ko Aer, elañe ekkar](#).
- Loor [Melele in Kajinet eo an Jikin Mōñā im Idaak](#) ñan joñan uwōta eo emōj kalikar an county eo im imōn wia eo ej bed ie, elañe ekkar.
 - Ilo county ko elukkun lab uwōta ie, kiil jikin ko armij remaron mōñā im idaak iloan em, ekoba bōtab ejab bōjrak wōt ñan koot in mōñā ko im jikin jijet ko.
- Kamo kein kalwōjwōj im makūtkūt ko armij rej leto-letak ibben.
- Rōjañ an riwia ro lewaj wōtar ko aer maanlok im ekelel ko ñan aer iwōj im ektak, einwōt ektak ilo tōrerein ial.
- Likūti kōjjelā ko realikar (elōñ ilo healthoregon.org/coronavirus) rej kōlaajrak [kakōllein COVID-19](#), im rej kajitōk an rijerbal im riwia ro im elōñ kakōlle ibbeir bwe ren bed wōt mōko imweir, im ej kōlaajrak wōn eo ren kebaak ñe rej aikuj ebōk jibañ.
- Kōjterbal kōjjelā ko ñan rōjañe an armij kōttolok jen enbwinin doon.
- En ikut am karreo im manman kij ilo jikin jeral ko, im ijoko elab ito-itak ie, im ioon men ko ikut an armij jibwe ilo jikin riwia/lobelej im jikin rijerbal ro ilo imōn wia. Iri kein jibwe kejem ko ilo ruum in jānij, kiiñ in em im jikin jijet ikōtaan kajojo ien im riwia ej kōjterbale.
- Lolorjak an jimwe kōmadmōd in kein jeral in mejatoto deloñ-diwōj eo iloan mweo. Kōlablok an mejatoto eo deloñ-diwōj ñan joñan am maroñ ilo am kōbellok wūntō im kejem ko. Ilo jikin ko iloan em, deel ko ren jeral wōt ilo ien wūntō im kejem ko rej bellok ñan an maroñ diwōj-deloñ mejatoto jen inabōj. Jab kōbellok wūntō im kejem ko elañe am kōmman eindein enaj lelok kauwōtata ñan rijerbal ak riwia ro.

Ñan joñan am maroñ, imōn wia ko ren, ak rejjab aikuj in:

- Lōmnake aer likūti kein bōbrae kōmman jen būlajtiik ealikkar ak kilaj imaan ri-cashier ro ak counter in customer service ko, ak ijoko jet im ebin kejarok bwe en wōr jiljino (6) ne toon ikōtaan rijerbal ro im riwia ro.
- Kōmmane an jeral juon wōt wewein deloñ im diwōj, bōtab jab bineje jikin diwōj ko ñe ebaj wōr kijeek. Kōjterbal kōjjelā ak bija ko ñan kwalok ial in ito-tak juon-wōt-ial.
- Kōjterbal kōjjelā ko ilal ñan lolorjake bwe ren kōttolok ñe rej kōttar wōt ri-cashier ro.
- Kamo riwia ro bwe ren jab kajjioñe men ko me rej kōnake ioon iturin-māj (mask nukruk, scarf ko, headband ko, māj ko).

- Ñe kwōnaj bar lelok ruum in joñjoñ nuknuk, rōjañ an riwia ro kwal beir ak kōjerbal kein manman kij in bā mokta jen im elikin aer joñake nuknuk. Imōn wia ro ren lelok kein manman kij ilo bā ak jikin kwal bā ebaak ruum in kajjoñe ko.
- Kōjerbale ekelel in kōllā ko wewein jejab jibwe kin beir ak jab kōjerbal jāān, im rejab aikuj aer kebaak riwia ro.
- Lelok kein manman kij in bā (60-95% kobban arkool) iturin jikin deloñ ko.

Elōñlok Melele in Kajinet ko ñan Jikin Wia ko Iloan Em im Inabōj

Rikōmadmōd ro an jikin wia ko iloan em im inabōj rej aikuj in:

- Ñan mōñā im idaak ilo jikin eo, kalikar ak jolok jikin eo ilo makūt eo wōt ñan wūn in im kōmman joñan wōran armij eo elabtata ñan jikin eo emōj kalikar ñan loor [Melele in Kajinet eo an Jikin Mōñā im Idaak ko](#) ñan joñan uwōta eo emōj kalikar an county eo.
 - Bar juon mennin aikuj ñan county ko rebed ilo uwōta ko relukkun lab: kiil jikin ko armij remaroñ mōñā im idaak iloan em, ekoba bōtab ejab bōjrak wōt koot in mōñā ko im jikin jijet ko.
 - Elab an OHA rōjañ bwe en wōr to ak kein kakōlle ko ilo wewein eo ej kōmman juon wōt ial in deloñ im diwōj.
 - Jikin wia ko rej lelok bwe armij ren idaak arkool ak edjoñ arkool ilo jikin wia ko rej aikuj bōk juon laijen in makūtkūt ej make wot jen OLCC im aikuj loloorjak ke bato in arkool ko rebellok (ekoba edjoñ in arkool, dān, im men ko jet) rejab diwōjlok jen jikin eo ewōr an laijen.
- Kabin bwe riwia ro, rijerbal ro im riwiakake ro ren loloorjake ejab diklok jen jiljino (6) ne ñan kajojo armij, ijellokun ro uwaan ejja juon wōt pade remaroñ jutak ilo lain ibben doon ilo aer jab aikuj kōttolok doon jiljino (6) ne jen doon. Aikuj loloorjak bwe en jab diklok jen jiljino (6) ne ikōtaan doulul ko reotak.
- Kajutak bija ak kōjellā ko rej kwalok aikuj bwe armij ren kōttolok doon iloan aoleben jikin wiakake eo, ekoba ak ejab bōjrak wōt ilo am kajutak kōjjelā ko ebaak imōn kōbojak ko.
- Kōjerbal kōjjelā, tape, ak kein kalikar ko jet ñan loloorjake an armij kōttolok doon ilo ien aer kōttar rijerbal ri-cashier ro.
- Jitōñe juon (1) armij bwe en lale an armij kōttolok jen enbwinnin doon ilo jikin eo ñan kajojo 50 armij ñan loloorjak aikuj ko ikijen kōttolok doon im joñan wōran labtata in armij rej kakobaba aoleb ien ñan jikin ko iloan em im inabōj, ekoba ilo jikin deloñ, diwōj, imōn kabojak ko im jabdewōt jikin armij remaroñ kakobaba.
- Jolok ak kamo jikin jutak ko ñan jibañ kakien eo bwe en wōr ejab diklok jen jiljino (6) ne ettolok ikōtaan doulul ko.
- Lelok jikin ko rejenolok, ekoba imōn kabojak, elañe ewōr lōñlok jen juon makūtkūt in wiakake iloan em ak inabōj rej kōmadmōd ilo juon wōt ien ilo ejja jikin eo.
 - Riwia ro, ro rej wiakake mweiuk, im rijerbal ro an jikin wiakake eo rej aikuj kōjerbal wōt jikin ko emōj lelok ñan kōmmani kōmadmōd ko aer.

- Jitōñe ejab diklok jen juon (1) rikarreo in manman kij an wōt eddoin karreo imōn kōbojak ko aoleb awa ilo ien makūtkūt eo, im lolorjak an bwe kein karreo ko (waan joñok, joob, toilet peba, kein manman kij in bā elōñ 60-95% arkool kobban) ilo aoleben ien makūtkūt ko.
- Jitōñe ejab diklok jen juon (1) rikarreo in manman kij an wōt eddoin kakutkut an karreo im jolok jorren jen ijoko jikin jermal, jikin ko elab ito-itak, im ioon men ko ekkā jibwi im rijermal im riwia remaroñ bed ie.

Ñan joñan eo emaroñ, rikōmadmōd ro an jikin wia ko iloan/inabōj ren, bōtab rejab aiku in:

- Lukkun rōjañ riwia/rijede/ribōk kwōnaer bwe en ikut aer kwal beir kin joob im dān iomwin ejab diklok jen 20 jekōn ak ñan kōjerbale kein manman kij in bā (60-95% kobban arkool).
- Lelok jikin deloñ/diwōj ko rejenolok ñan rijermal im/ak ro rej wiakake mweiuk.

Mennin aiku ko jet ñan ro rej wiakake mweiuk iloan em im inabōj:

- Ilo am lelok jermal ko ñan armij make, etale im kōjejet kütien [Melele in Kajinet eo an Jibañ ko rej Lelok Kōmadmōd ñan Armij Make](#).

Melele in Kajinet ñan Kien ko an Bukōn ko

Kien ko an bukōn reaiku loor melele in kajinet in elañe rej kōmman ak bōk eddoin juon jikin wia iloan em ak inabōj ilo juon imōn kien ak bwidej ko kien ej reen iomwin ien aitok, einwōt bōtab ejab jemlok wōt ñan jikin ko ewōr mennin kamōnōnō ilo bukōn ak city. Kien ko an bukōn ko reaiku loor melele in kajinet in ilo ien aer reen ak kōmelim an ro jet kōjermal em ak bwidej ko an kien ñan makūtkūt ko ejab an kien.

Kein jibañ ko jet:

- [Kōjellā im bija ko kwōmaroñ kajutak](#)
- [Melele in Kajinet an Aoleben State eo kin Kein Kalbubu Māj an Jikin Taktō, Kein Kalbubu Iturin Māj, Kein Bōbrae Iturin Māj](#)
- [Melele in Kajinet an OHA ñan Aoleb Jikin Jermal im Doulu ko](#)

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Ejmour eo ilo 1-971-673-2411, 711 TTY ak COVID19.LanguageAccess@dhsaha.state.or.us.